

地藏菩薩本願經卷下

較量布施功德緣品第十

爾時地藏菩薩摩訶薩承佛威神從座而起。胡跪合掌。白佛言。世尊。我觀業道衆生。較量布施。有輕有重。有一生受福。

地藏經下

有十生受福。有百生千生受大福利者。是事云何。惟願世尊爲我說之。爾時佛告地藏菩薩。吾今於忉利天宮。一切衆會。說閻浮提布施較量功德輕重。汝當諦聽。吾爲汝說。地藏白佛言。我疑是事。

願樂欲聞。

佛告地藏菩薩。南閻浮提。有諸國王。宰
輔大臣。大長者。大刹利。大婆羅門等。若
遇最下貧窮。乃至癡殘瘖瘂。聾癡無目。
如是種種不完具者。是大國王等。欲布
施時。若能具大慈悲。下心含笑。親手遍
布。或使人施。輒言慰諭。是國王等。所獲
福利。如布施百恆河沙佛功德之利。何
以故。緣是國王等。於是最貧賤輩。及不
完具者。發大慈心。是故福利。有如此報。

百千生中。常得七寶具足。何況衣食受用。復次地藏。若未來世。有諸國王。至婆羅門等。遇佛塔寺。或佛形像。乃至菩薩聲聞。辟支佛像。躬自營辦。供養布施。是國王等。當得三劫爲帝釋身。受勝妙樂。

地藏經下

二

若能以此布施福利。迴向法界。是大國王等。於十劫中。常爲大梵天王。復次地藏。若未來世。有諸國王。至婆羅門等。遇先佛塔廟。或經像。毀壞破落。發心修補。是國王等。或自營辦。或勸他人。乃至百

千人等。布施結緣。是國王等。百千生中。常爲轉輪王身。如是他人同布施者。百千生中。常爲小國王身。更能於塔廟前。發迴向心。如是國王。乃及諸人。盡成佛道。以此果報。無量無邊。復次地藏。未來世中。有諸國王。及婆羅門等。見諸老病。及生產婦女。若一念間。具大慈悲。布施醫藥。飲食臥具。使令安樂。如是福利。不可思議。一百劫中。常爲淨居天主。二百劫中。常爲六欲天主。畢竟成佛。永不墮

於惡道乃至百千生。耳根不聞苦聲。復次地藏。若未來世中。有諸國王。及婆羅門等。能作如是布施。獲福無量。更能迴向。不問多少。畢竟成佛。何況釋梵轉輪王報。是故地藏。普勸衆生。當如是學。迴

地藏經下

三

向法界。復次地藏。未來世中。若善男子。善女人。於佛法中。種少善根。毛髮塵沙等許。所受福利。不可爲喻。復次地藏。未來世中。若有善男子。善女人。遇佛形像。菩薩形像。辟支佛形像。轉輪王形像。布

施供養。得無量福。常在入天。受勝妙樂。若能迴向法界。是人福利。不可爲喻。復次地藏。未來世中。若有善男子。善女人。遇大乘經典。或聽聞一句。發殷重心。讚歎恭敬。布施供養。是人獲大果報。無量無邊。若能迴向法界。其福不可爲喻。復次地藏。未來世中。若有善男子。善女人。遇佛塔寺。大乘經典。新者布施供養。瞻禮讚歎。恭敬合掌。若遇故者。或毀壞者。修補營理。或獨發心。或勸多人同

共發心。如是等輩。三十生中。常爲諸小國王。檀越之人。當爲輪王。還以善法。教化諸小國王。復次地藏。未來世中。若有善男子。善女人。於佛法中。所種善根。或布施。或供養。或修補塔寺。或裝理經典。乃至一毛一塵。一沙一涕。如是善事。但能迴向法界。是人功德。百千生中。受上妙樂。如但迴向自家眷屬。自身利益。如是之果。即三生受樂。捨一得萬報。是故地藏。布施因緣。其事如是。

地藏經下

四

地神護法品第十一

爾時堅牢地神。白佛言。世尊。我從昔來。瞻視頂禮無量菩薩摩訶薩。皆是大不可思議。神通智慧。廣度衆生。是地藏菩薩摩訶薩。於諸菩薩。誓願深重。世尊。是

地藏菩薩。於閻浮提有大因緣。如文殊。普賢。觀音。彌勒。亦化百千身形。度於六道。其願尚有畢竟。是地藏菩薩。教化六道一切衆生。所發誓願劫數。如千百億恆河沙。世尊。我觀未來世中。及現在衆

生於所住處。南方清潔之地。以土石竹木。作其龕室。是中若能塑畫。乃至金石銅鐵。作地藏形。燒香供養。瞻禮讚歎。是人居處。即得十種利益。何等爲十。一者土地豐穰。二者家宅永安。三者先亡生

地藏經下

五

天。四者現存益壽。五者所求遂意。六者無水火災。七者虛耗辟除。八者杜絕惡夢。九者出入神護。十者多遇聖因。世尊。未來世中。及現在衆生。若能於所住處方面。作如是供養。得如是利益。復白佛

言。世尊。未來世中。若有善男子。善女人。於所住處。有此經典。及菩薩像。是人更能轉讀經典。供養菩薩。我常日夜以本神力。衛護是人。乃至水火盜賊。大橫小橫。一切惡事。悉皆消滅。無有遺餘。佛告

堅牢地神。汝大神力。諸神少及。何以故。閻浮土地。悉蒙汝護。乃至草木沙石。稻麻竹葦。穀米寶貝。從地而有。皆因汝力。又當稱揚地藏菩薩。利益之事。汝之功德。及以神通。百千倍於常分地神。若未

來世中。有善男子。善女人。供養菩薩。及
轉讀是經。但依地藏菩薩本願經。一事
脩行者。汝以本力而擁護之。勿令一切
災害。及不如意事。輒聞其耳。何況令受。
非但汝獨護是人。亦有釋梵眷屬。諸天

地藏經下

六

眷屬。擁護是人。何故得是聖賢擁護。皆
由瞻禮地藏形像。及轉讀是本願經故。
自然畢竟出離苦海。證涅槃樂。以是之
故。得大擁護。

見聞利益品第十二

爾時世尊。從頂門上。放百千萬億大毫
相光。所謂白毫相光。大白毫相光。瑞毫
相光。大瑞毫相光。玉毫相光。大玉毫相
光。紫毫相光。大紫毫相光。青毫相光。大
青毫相光。碧毫相光。大碧毫相光。紅毫
相光。大紅毫相光。綠毫相光。大綠毫相
光。金毫相光。大金毫相光。慶雲毫相光。
大慶雲毫相光。千輪毫光。大千輪毫光。
寶輪毫光。大寶輪毫光。日輪毫光。大日
輪毫光。月輪毫光。大月輪毫光。宮殿毫

光。大宮殿毫光。海雲毫光。大海雲毫光。
於頂門上。放如是等毫相光已。出微妙
音。告諸大衆。天龍八部。人非人等。聽吾
今日。於忉利天宮。稱揚讚歎地藏菩薩。
於人天中利益等事。不思議事。超聖因

地藏經下

七

事。證十地事。畢竟不退阿耨多羅三藐
三菩提事。說是語時。會中有一菩薩摩
訶薩。名觀世音。從座而起。胡跪合掌。白
佛言。世尊。是地藏菩薩摩訶薩。具大慈
悲。憐愍罪苦衆生。於千萬億世界。化千

萬億身。所有功德。及不思議威神之力。我聞世尊。與十方無量諸佛。異口同音。讚歎地藏菩薩云。正使過去現在未來諸佛。說其功德。猶不能盡。向者又蒙世尊。普告大眾。欲稱揚地藏菩薩利益等事。惟願世尊。爲現在未來一切衆生。稱揚地藏菩薩不思議事。令天龍八部。瞻禮獲福。佛告觀世音菩薩。汝於娑婆世界。有大因緣。若天若龍。若男若女。若神若鬼。乃至六道。罪苦衆生。聞汝名者。見

汝形者。戀慕汝者。讚歎汝者。是諸衆等。於無上道。必不退轉。常生人天。具受妙樂。因果將熟。遇佛授記。汝今具大慈悲。憐愍衆生。及天龍八部。吾欲宣說地藏菩薩不思議事。利益之事。汝當諦聽。吾

地藏經下

八

今說之。觀世音菩薩言。唯然世尊。願樂欲聞。佛告觀世音菩薩。未來現在。諸世界中有諸天人。受天福盡。五衰相現。或有墮於惡道之者。如是天人。若男若女。當現相時。或見地藏菩薩形像。或聞地

藏菩薩名字。一瞻一禮。是諸天人。轉增
天福。受大快樂。永不歷三惡道報。何況
見聞菩薩。以諸香華。衣服飲食。寶貝瓔
珞。布施供養。所獲功德福利。無量無邊。
復次觀世音。若未來現在。諸世界中。六

道衆生。臨命終時。得聞地藏菩薩名。一
聲。歷耳根者。是諸衆生。永不歷於三惡
道苦。何況臨命終時。男女眷屬。將是命
終人。舍宅財物。寶貝衣服。塑畫地藏菩
薩形像。或使病人未終之時。眼見耳聞。

知道眷屬。將舍宅寶貝等物。爲其自身。塑畫地藏菩薩形像。是人若有業報。合受重病者。承斯功德。尋即除愈。壽命增益。是人若或業報命盡。應有一切罪障業障。合墮惡趣者。承斯功德。命終之後。

地藏經下

九

即生人天。受勝妙樂。一切罪業。悉皆消滅。復次觀世音菩薩。若未來世。有男子。女人。或乳哺時。或三歲五歲十歲已下。亡失父母。乃及兄弟姊妹。是人年既長大。思憶父母。及諸眷屬。不知落在何趣。

生何世界。生何天中。是人若能塑畫地
藏菩薩形像。乃至聞名。一瞻一禮。從一
日至七日。莫退初心。聞名見形。瞻禮供
養。是人眷屬。假因業故。墮惡趣者。計當
劫數受苦。承斯男女兄弟姊妹。塑畫地
藏形像。瞻禮功德。尋即解脫。生人天中。
受勝妙樂。是人眷屬。如有福力。已生人
天。受勝妙樂者。承斯功德。轉增聖因。受
無量樂。是人更能三七日中。一心瞻禮
地藏菩薩形像。念其名字。滿於萬遍。當

得菩薩現無邊身。具告是人。父母眷屬。受生之處。或於夢中。菩薩現大神力。親領是人。於諸世界。見諸眷屬。更能每日念菩薩名千遍。至於千日。是人當得菩薩。遣其所在土地鬼神。終身衛護。現世

地藏經下

十

衣食豐溢。無諸疾苦。乃至橫事。不入其門。何況及身。是人畢竟而得菩薩摩頂授記。復次觀世音菩薩。若未來世。有善男子。善女人。欲發廣大慈心。救度一切衆生者。欲脩無上菩提者。欲出離三界

者。如是人等。見地藏菩薩形像。及聞名者。至心歸依。或以香華衣服。寶貝飲食。供養瞻禮。是善男女等。所願速成。永無障礙。復次觀世音菩薩。若未來世。有善男子。善女人。欲求現在未來。百千萬億等願。百千萬億等事。但當歸依瞻禮。供養讚歎。地藏菩薩形像。如是所願所求。悉皆成就。復願地藏菩薩。具大慈悲。長擁護我。是人於睡夢中。即得菩薩摩頂授記。復次觀世音菩薩。若未來世。有善

男子。善女人。於大乘經典。深生珍重。發
不思議心。欲讀欲誦。縱遇明師。教示令
熟。旋得旋忘。動經年月。不能讀誦。是善
男子。善女人等。有宿業障。未得消除。故
於大乘經典。無讀誦性。如是之人。聞地

地藏經下

十一

藏菩薩名。見地藏菩薩像。具以本心。恭
敬陳白。更以香華。衣服飲食。一切玩具。
供養菩薩。以淨水一盞。經一日一夜。安
菩薩像前。然後合掌請服。迴首向南。臨
入口時。至心鄭重。服水既畢。慎五辛酒

肉。邪淫妄語。及諸殺害。一七日。或三七日。是善男子。善女人。於睡夢中。具見地藏菩薩。現無邊身。於是人處。投灌頂水。其人夢覺。即獲聰利。應是經典。一歷耳根。即當永記。更不忘失。一句一偈。復次

觀世音菩薩。若未來世。有諸人等。衣食不足。求者乖願。或多疾病。或多凶衰。家宅不安。眷屬分散。或諸橫事。多來忤身。睡夢之間。多有驚怖。如是人等。聞地藏名。見地藏形。至心恭敬。念滿萬遍。是諸

不如意事。漸漸消滅。即得安樂。衣食豐溢。乃至睡夢中。悉皆安樂。復次觀世音菩薩。若未來世。有善男子。善女人。或因治生。或因公私。或因生死。或因急事。入山林中。過渡河海。乃及大水。或經險道。

地藏經下

十二

是人先當念地藏菩薩名萬遍。所過土地。鬼神衛護。行住坐臥。永保安樂。乃至逢於虎狼獅子。一切毒害。不能損之。佛告觀世音菩薩。是地藏菩薩。於閻浮提有大因緣。若說於諸衆生。見聞利益等

事百千劫中。說不能盡。是故觀世音。汝
以神力流布是經。令娑婆世界衆生。百
千萬劫永受安樂。爾時世尊。而說偈言。
吾觀地藏威神力。恆河沙劫說難盡。
見聞瞻禮一念間。利益人天無量事。

若男若女若龍神。報盡應當墮惡道。
至心歸依大士身。壽命轉增除罪障。
少失父母恩愛者。未知魂神在何趣。
兄弟姊妹及諸親。生長已來皆不識。
或塑或畫大士身。悲戀瞻禮不暫捨。

三七日中念其名。
示其眷屬所生界。
若能不退是初心。
欲修無上菩提者。
是人既發大悲心。

地藏經下

一切諸願速成就。
有人發心念經典。
雖立誓願不思議。
斯人有業障惑故。
供養地藏以香華。

菩薩當現無邊體。
縱墮惡趣尋出離。
即獲摩頂授聖記。
乃至出離三界苦。
先當瞻禮大士像。

十三

永無業障能遮止。
欲度羣迷超彼岸。
旋讀旋忘多廢失。
於大乘經不能記。
衣服飲食諸玩具。

以淨水安大士前。
發殷重心慎五辛。
三七日內勿殺害。
即於夢中見無邊。
應是經教歷耳聞。

一日一夜後服之。
酒肉邪淫及妄語。
至心思念大士名。
覺來便得利根耳。
千萬生中永不忘。

以是大士不思議。
貧窮衆生及疾病。
睡夢之中悉不安。
至心瞻禮地藏像。
至於夢中盡得安。

能使斯人獲此慧。
家宅凶衰眷屬離。
求者乖違無稱遂。
一切惡事皆消滅。
衣食豐饒神鬼護。

欲入山林及渡海。
惡神惡鬼并惡風。
但當瞻禮及供養。
如是山林大海中。
觀音至心聽吾語。

地藏經下

百千萬劫說不周。
地藏名字人若聞。
香華衣服飲食奉。
若能以此迴法界。
是故觀音汝當知。

毒惡禽獸及惡人。
一切諸難諸苦惱。
地藏菩薩大士像。
應是諸惡皆消滅。
地藏無量不思議。

十四

廣宣大士如是力。
乃至見像瞻禮者。
供養百生受妙樂。
畢竟成佛超生死。
普告恆沙諸國土。

囑累人天品第十三

爾時世尊。舉金色臂。又摩地藏菩薩摩訶薩頂。而作是言。地藏地藏。汝之神力不可思議。汝之慈悲不可思議。汝之智慧不可思議。汝之辯才不可思議。正使

十方諸佛。讚歎宣說。汝之不思議事。千萬劫中。不能得盡。地藏地藏。記吾今日在忉利天。於百千萬億。不可說不可說。一切諸佛菩薩。天龍八部。大會之中。再以人天諸衆生等。未出三界。在火宅中

者付囑於汝。無令是諸衆生。墮惡趣中。
一日一夜。何況更落五無間阿鼻地獄。
動經千萬億劫。無有出期。地藏。是南閻
浮提衆生。志性無定。習惡者多。縱發善
心。須臾即退。若遇惡緣。念念增長。以是

地藏經下

十五

之故。吾分是形。百千萬億教化。隨其根
性而度脫之。地藏。吾今殷勤。以天人衆。
付囑於汝。未來之世。若有天人。及善男
子。善女人。於佛法中。種少善根。一毛一
塵。一沙一滯。汝之道力。擁護是人。漸脩

無上。勿令退失。復次地藏。未來世中。若
天若人。隨業報應。落在惡趣。臨墮趣中。
或至門首。是諸衆生若能念得一佛名。
一菩薩名。一句一偈。大乘經典。是諸衆
生。汝以神力。方便救拔。於是人所。現無
邊身。爲碎地獄。遣令生天。受勝妙樂。爾
時世尊。而說偈言。

現在未來天人衆。吾今殷勤付囑汝。
以大神通方便度。勿令墮在諸惡趣。
爾時地藏菩薩摩訶薩。胡跪合掌。白佛

言。世尊。惟願世尊。不以爲慮。未來世中。若有善男子。善女人。於佛法中。一念恭敬。我亦百千方便。度脫是人。於生死中。速得解脫。何況聞諸善事。念念脩行。自然於無上道。永不退轉。說是語時。會中

地藏經下

十六

有一菩薩。名虛空藏。白佛言。世尊。我自至忉利聞於如來。讚歎地藏菩薩。威神勢力。不可思議。未來世中。若有善男子。善女人。乃及一切天龍。聞此經典。及地藏菩薩名字。受持供養。或瞻禮形像。得

幾種福利。惟願世尊。爲未來現在一切
衆等。略而說之。佛告虛空藏菩薩。諦聽
諦聽。吾當爲汝分別說之。若未來世有
善男子。善女人。見地藏菩薩形像。及聞
此經。乃至讀誦。香華飲食。衣服珍寶。布

施供養。讚歎瞻禮。得二十八種利益。一
者天龍護念。二者善果日增。三者集聖
上因。四者菩提不退。五者衣食豐足。六
者疾疫不臨。七者離水火災。八者無盜
賊厄。九者人見欽敬。十者神鬼助持。十

一者女轉男身。十二者爲王臣女。十三者端正相貌。十四者多生天上。十五者或爲帝王。十六者宿命通達。十七者有求皆得。十八者眷屬歡樂。十九者諸橫消滅。二十者業道永除。二十一者去處

地藏經下

十七

盡通。二十二者夜夢安樂。二十三先亡離苦。二十四者宿福受生。二十五者諸聖讚歎。二十六者聰明利根。二十七者饒慈愍心。二十八者畢竟成佛。復次虛空藏菩薩。若現在未來天龍鬼神。聞

地藏名。禮地藏形。或聞地藏本願事行。讚歎瞻禮。得七種利益。一者速超聖地。二者惡業消除。三者諸佛護念。四者菩提不退。五者增長本力。六者宿命皆通。七者畢竟成佛。爾時十方一切諸來不

可說不可說諸佛如來。及大菩薩。天龍八部。聞釋迦牟尼佛。稱揚讚歎地藏菩薩大威神力。不可思議。歎未曾有。是時切利天。雨無量香華。天衣珠瓔。供養釋迦牟尼佛。及地藏菩薩已。一切衆會。俱

復瞻禮。合掌而退。

地藏菩薩本願經卷下

讚

四宏普被。萬德功圓。高超十地。越三賢。
果海逆流。悲願彌堅。接物利人。天。

地藏經下

十八

南無地藏王菩薩摩訶薩。三稱

願以此功德。普及於一切。
我等與衆生。皆共成佛道。

地藏經讚

地藏有宏願。人度果方證。種種如影現。
現却度人身。睽彼幽明衆。在在貫酸辛。
非我菩薩尊。曷貽以慈仁。旨哉本願經。
字字微妙音。爲世作依怙。流傳迄於今。

我亦有宏願。彈指葳覺眞。地藏巧應世。
一手已歷盡。人生亦如此。變幻可指陳。
自書教人書。非作修福因。爲佛宣微密。
濟此大願力。有情應深維。地獄本非眞。
緣種諸惡根。空中設其形。乃有度世者。

遂發慈悲心。若我咸自度。更無度世人。
地藏空所有。根滅形不成。

佛弟子陳道任拜讚

地藏經下

跋

十九

世尊在忉利天宮。廣說法要。菩薩入
鐵圍地獄。誓度衆生。總以慈孝之心。
濟拔存亡之苦。爾時經說品分十三。
來世受持功獲四七。余道兄雲台楊

公。從丁酉年隨鎮閩海。發希有心生
難遭想。欲答親恩重刻經典。以一部
翻爲千萬部。度其親而及人之親。即
此念頭報恩已竟。咦。是僧是俗。誰無
本有爺娘。得見得聞。同滿四宏誓願。
則此板利益無涯。即諸佛亦讚歎不
盡矣。

岩

順治庚子佛歡喜日

古燕李晉忠法名性宗和南敬題

上卷音釋

屬產 醜希 噉淡 燂羊 斫張入 鑊王入 晃王上 茵因 蔓萬 癢龍 撻塔 誣無
 鏤漏 塑素 誘西 撲普木切 搏博 攫居脚切 劉七臥切

中卷音釋

邃碎 槍掠 絳羊 殊殊 尿鳥去 剝邦入 刺次 岐其 趨曠去 撞狀
 繪增 庭注 療債 溢亦 蝮福 曳于 咄敦入 攜奚 履禮 絃賢
 魍往 魍兩 魅味 腥星 翻番 荷賀

下卷音釋

毛毫 輔府 瘡蔭 痙啞同 聾龍 龕堪 壤穰 稻道 軌陟涉切 耗號
 哺步 玩萬 忤悞 辯下 瓔英

